

قلت يا عينى كلهم من بيت «
يا ليل يا عينى .. يا ليلي
قاعدين لى على الأرض .. قاعدين لى جنب الحيط
وزاد على الهم .. ولا راحة جوه البيت
ما تقوم يا الاسمر وافتح للشمس البيت
يا عينى ياليلي .. يا عينى ..

(يتوقف عن الغناء لحظة .. يقلد وقفة وحركة
بعض التماثيل .. يفسح لنفسه مكانا بينهم ..
ينظر فى المرآة .. يتأمل وضعه كتماثيل يحتضن
تماثيل فلاحه ..

يحاول اعادة ترتيبهم)

هوه فيه اى نظام ينفع طول ما المخاليق دى
هنا ؟

(يقصد التماثيل)

مرصوصين كده ليه ؟ عليكم ذنب
انت يا عم مالك .. جرى ايه .. غاوى تحوى
الغم !
اتعدل الله يهديك

وانت يابنت يا فلاحه .. قمر والله العظيم ..
فكرتيني بالبلد .. والبنات جنب القرعة
(يغنى) « وأنا نازلة اتدلج املى القللى »
البحر بيضحك ليه .. وأنا نازلة ..

احمد : (ينادى من الداخل) علام

انت يا علام